

# 蓋 禮 黃 花 崑 烈 士 文



蓋聞死垂不朽，馬遷紀泰山鴻毛之言；生有難全，孟軻彰取義成仁之訓。粵稽往哲，彌勸來茲，史冊昭陳，典型足式。是故衣冠作冢，明月偏照梅花，薪爨爲鄰，正氣獨騰土室。義聲翕起，五百效死於田壙；天罰恭行，三千輸誠於姬發。故知創業垂統，君子以爲可承；若夫尊夏攘夷，聖人之所垂訓。懿歎烈士！奇材挺出，踔厲無前；浩氣長存，馨香勿替。雖壯志未酬，費百年之長恨；而遺徽永播，達萬祀之嘉猷。

慨乎神州莽蕪，荆棘叢生；佳域纍纍，愀悟誰撫？當百六禁烟之節，野祭蠶殼；念廿四花信之期，家園安在？北山猿鷗，歌黃竹而傷神；南國鶯花，賦白楊而興歎。痛哭揮唐衢之淚，遺憾難蠲；招魂誦宋玉之篇，英靈不爽。於是流風所被，後起者踵武而興；陳迹重尋，聞風者欽心靡已。

溯自白山黑水，崛起張胡；封豕長蛇，憑陵上國。吳宮烟雨，寒更悲泣銅駝；朔塞風雲，長夜愁聞鐵馬。亦多棄父母之養，捐家室之歡。或奮博浪之椎，或舞劉琨之劍。聯轔絕漠，但求塚近要離；擊楫中流，咸欲氣後祖逖。

迨夫軍闕禍國，割據稱雄。道路橫有豺狼，門戶深於冰火。始則戈操同室，繼而禍起蕭牆。列強肆覬食之謀，東鄰蓄鯨吞之意。玉闕楊柳，不愛春風；曉月蘆葦，竟嘶胡馬。指日盟偕亡之誓，揮戈堅敵之心。用能抗戰八年，所幸受降一旦。收兵武車，鑄十二之金人；放馬華林，蘇九有之民力。凡斯豎孽，義烈久聞，底定河山，膺功克奏。莫不出氣如虹，貫精忠於日月。雄風似虎，凜大節於雲霄。此皆我烈士遺墨之所霑濡，精靈之所感召也。

爾乃赤符銅馬，釋兵弄自潢池；蒼鳩狄泉，妖祲垂於星象。天樞旋動，竟嗟懷棟之崩，地軸爭廻，終覘陵谷之變。使億兆之生靈，傷沈淪乎鬼版。

所幸元良敷烈，策少康復夏之謨；猶賴羣黎時雍，切勾踐沼吳之志。障晉天之巨浸，乘槎則星漢可期；挽倒海之狂濶，徙溟而蓬萊已到。是則堪告懸於泉下，聊撓枕於私衷者也。醴酒祇陳，明粢式薦。靈如有在，鑒此來歆。爰爲招魂之詞曰：

魂將東歸耶？鬼葬燕麥，蓬勃通闕；野鼠城狐，跳梁大邑。魂將南歸耶？林青闋黑，嵐塵與颺鼯齊來；血碧燐飛，山鬼並狐狸共出。魂將西歸耶？凶山惡水，驚棲閣之連雲；虧負驕鼻，萬里無人；紫閣紅樓嘯。魂將北歸耶？黃沙喋血，鬼兮安歸？歸來！歸來！秣吾馬兮厲吾兵，雲爲旗兮震爲旌，六丁前驅雷鼓鳴，風馳電掃收玉京，呵護相望有神羽，靈爽不昧試式憑。

◆ 楊向輝 ◀